

ITLF BULLETIN

A Publication by ITLF Media & Publicity Department
RESEARCH & PRESERVATION OF THE ZO IDENTITIES (RPZI)

VOLUME I/ISSUE NO 3

TUESDAY 09 MAY 2023

Tribal Leaders to Govt of India Kihouna

Lamka 09 May 2023 | Tuni zingkal dak 10:30 am in Mata a sepaiah camp Guest House ah singtangmi heutute toh Government of India ai-oh a hong pai A.K. Mishra, interlocutor i gamsung buaina toh kisai kihouna om hi. A.K. Mishra ahih leh India Government Security Advisor khat hi a, ei sung thei chai mahmah khat ahi.

Singtangmi lam akipan ITLF, Zomi Council, Kuki Inpi Churachandpur, Hmar Inpui, KSO leh ZSF heutute tel uhi.

ITLF Chairman Pa Gin in i gambuaina uh toh kisai pulakna nei a, singtangmi leh Meiteite entity tuamtuk ahih dan bulsutna nei hi. Tua ban ah Manipur Government in policy tuamtuk RF, PF, WL, WS leh Meitei ST demand te pansan a singtangmi gam suksak sawm ahih dan gen hi. Meitei ten singtangmite simmohtak a gamdang mi foreigner, refugee, illegal immigrants leh poppy cultivator chi a hon gennate uh leng pulak hi.

ITLF Secretary Muan Tawmbing in Meitei ten singtangmite tung a athil hih uh genocide ahih dan gen a, Manipur Commando uniform silh a hon thah chimit sawm uh ahih dan gen hi, Tu dinmun in biakinn 67 hal leh hihsiat ahih dan, khua 63 haltum ahih dan, luang 100-150 kikal kikhah i hih dan A.K Mishra theihsak hi.

Meiteite duh-am dan General category ahih kawm ua, SC, OBC le hi ua, ST dinmun tang lai le uh reservation category teng tang ding ahih dan le gen hi

Hiai meeting na a heutu paikhawm teng in gen kibang nei in **Meiteite toh tengkhawm theinawnlou ding a kihihdan gen vek uhi.** Meiteite a dia foreigner ka hi ua, amau le kou a dia foreigner ahi uh chi uhi. Ka gam kikal ua

boundary bang le border ahita chi uhi.

Hiai hun a heutute hiai dan in ngetna leh dinsan bawl uhi.

1. Meiteite toh tengkhawm thei nawnlou ding, kivaiahawmna tuam leh gamgi kichian neih i ut dan gen uhi.
2. I gamgi munte uah Central Forces ten hon venbit sak ding uh.
3. Banking leh nasep tuamtuk a nawnkaina a om ziaik in internet connectivity a kinthei pen a restore ahih ding.
4. Government akipan ration a poimoh bang a ngaihtuah ding uh.
5. Premjit Meitei Nodal Officer dia seh a om pen neutral officer khat a kinthei pen a guan ahih ding.
6. Ex-gratia leh compensation ka poimoh kei ua, ka gam ua ding in hinna a poimoh bang in ka sacrifice ding uh.
7. Imphal a singtangmi stranded teng bubittak a pikhiak vek ahih ding uh.
8. Imphal a siluang omteng ka gam ua puaktung ahih vek ding uh.
9. Bishenpur a commando outpost omten Kangvai lam a hong nawk nawnlouh ding uh.
10. N. Biren Singh kimuang nawnlou ahih dan taklang uh.

Singtangmi heutute akipan thu a ngaih khiak nung in Govt Interlocutor A.K. Mishra in i ngetna te uh Central Government a tunkik ding ahih dan gen in, kha 2 sung a solution om thei dia pan hon la ding ahih dan gen hi.

ITLF Relief Department te Lamka hong tungkikta uh

Mizoram ah panpihna ngen dia kalsuan ITLF Relief and Medical department te Lamka hong tungkikta uhi.

Tuni in ITLF Meeting nitaklam dak 2:30 pm kineihna hun ah Relief and Medical Department convenor Pu Mangcha Thangzom in report pia hi. Pu Mangcha Thangzom makaihna in KKL Vice President leh YMA President te Mizoram ah apaisa May 6, 2023 in panpihna ngen din va kalsuan uhi

Aman a gen dan in unau Mizo ten Manipur gam a singtangmite thuakgimna hon thuakpih mahmah ua thil bangkim a hon panpih dia man sa ahih dan uh gen hi. Mizoram Doctors association te akipan hospital leh damdoi vanzat

Lakh 3 val man hon pia ahih dan gen a, Central YMA in panpihna lakh 5 hon pia uh chi hi. Malta tang 5000 val i gamgi humbitna ding a hon pua ahih dan le gen hi.

Tua ban ah Mizoram toh kikawmtuahna dia poimoh Tuivai lei venbitna ding in Mizoram government kiang a ngetna bawl ua, Khokawn a nek leh tak a poimoh hunhun a piaktheihna ding in Go Down koih a om ahih dan le gen hi.

I gam buaina toh kisai Mizoram government bang in le cabinet meeting nei a awlmoh ahih dante gen a, a poi moh bangban a hon panpih dia mansa ahih dan gen hi.

RELIEF APPEAL

Tuesday 09 May 2023

We are in difficult times where we are fighting for our survival and for the protection of our land. Many of us are rendered homeless, many injured, many have lost their properties and many have given their lives for our cause.

At this juncture we need help and supports from all corners both financially and in kinds. For this ITLF have setup the Relief and Medical department. Please contact the following for any relief supports.

Mangcha Thangzom – 8837368373 (Convenor)
H. Sangpi – 8974782684
V. Gouthianmuan - 9862086583

For any financial assistance kindly send to the bank account of the convenor of the Finance and Resources department as below.

Name of account: Henkhopao Haokip
Account Number: 31779835161
IFSC Code: SBIN0015027
Gpay: 8837494202

ITLF bank account kibawl ma, Finance Secretary bank account kizang phot ahi. Internet Shutdown ahih ban a, Bank kihonlouh ziaak a ITLF bank account kibawl thei nailou ahi.

A reception desk is also available for donation at the Churachandpur District Hospital premise.

ITLF Bulletin is a publication of the Research & Preservation of the Zo Identities (RPZI), the Media & Publicity Department of ITLF